

يا صاحب الثار
جينا نعزيك
ابدمع نثار
او جينا نواسيك

نادى يفرساني تخلصوني وحيد
شالسبب عفتوني ونمتوا على الصعيد
وينك يعباس الشفيه يالعضيد
تنظر احوالي وحالة اعيالي

جاسم يعقلي هذي اشموع الفرحة
بالخيمة معلوقه والقلب انشرح
اشلون تترك سكرة في موج الترح
من غير والي وبدمع هالي

أكبر يروحي هذا سيفك يا الولد
دم العدا يبني على حده جمده
انهض وسله يا حبيبي يا ضمده
وانتخي اقبالي يبني او دالالي

يحبیب یا مسلم یا ابن هلال
قوموا عن الغبره واحموا هالعيال
لش استحببتوا النومه اعلى الرمال
قوموا يرجالي قوموا يبطلالي

منهو بيقدم جوادي
هذا هو حصانك يسنادي
ابدمع وبقلب صادي
يا بنات النبي الهادي

أو عود الخيمه ينادي
تلقتة زينب تقله
ونادت العيله حزينه
قوموا للتوديع قوموا

حاطت على المظلوم العيله بالألم
اتودّع الوالي نقله يا شهم
لاوين يا حمانا او ياسور الحرم
رايح رجانا وينه حمانا

هذي تشمه وذاك ايضمه للصدر
وزينب هوت منه تحب ذاك النحر
موضع ما يجري فيه حد سيف الشمر
او تجري دمانا بسيف الخيانه

ودّع العيله وقصد صمصوم العدى
لن يسمع امن اخلف ياتيه ندا
يسمع ندا سكينه الحزينه المجهده
ورد بحزاناه الزهرة زمانه

حطها ابظنه ومسح عالراس ابالم
وقلها يسكينه ايطول دمع المنسجم
منج لوأنا وقع في قلبي السهم
وتهجم اعدانا بعدك لوأنا

ابعزم حمزه او حيدر
بالله انذرهم او ذگر
والعدو أنيابيه كشر
او عالعدا بالسيف حدر

ودّع او يمم العسكر
خاطب اجنود الأعادي
جاوبت لسهام في الحال
سل صمصامه الشفيه

حَلَّتْ زلازل عالِعدى لَمَّ ن حمل
لحسين وحده والجمع منه ذهل
ابر محه المنيه وصارمه حتف الأجل
يشبه الكرار ابي سيف لفقار

كلمن تقدّم عاجله ابضربة علي
سوى المذابح والفضا اسود عالي
والشمس تتوقد اهو قلبه ايغلي

ولشاطي بصرار حوّل المغوار

بس غرف غرفه لن سهم من العدى
صابه ابحنكه والدماء منه بدى
واختلط ماي النهر بالدم والندا
خيامك يمغوار هتكوها لشرار

لمن سمع عن عيلته عاف الشرب
وغيرة علي الكرار هاجت بالقلب
كالبرق لخيامه قطع ذاك الدرب
عائنها بانظار ما بيها شي صار

ثوب يا حره او ودعيني
طرحيه بالرمل يعيوني
شهاالفعل خويه يعيوني
عاري لنهم يسلبوني

نادى يا زينب هاتيني
ثوب جابت له او قلها طرحيه
بالرمح مزق أثوابه
قلها لا أبقي يخيه

حَدَّر ابسيفه ايكثُر أفراد الكفر
وبالرمح ينظمها او على الغبره تخر
او من الظما قلبه استعر مثل الجمر
يستعر نيران قلبه الحيران

واعياه لطراد او وقف بس يستريح
مهجة الزهره لن حجر سابق الريح
صك جبهته لن الدما صارت تسيح
سالت الدمان بعيون لكون

ومن رفع بن حيدر قميصه بالعجل
لفلاك نزعنت زينة العز والامل
وفاطمة الزهره اتبرقت ثوب الاجل
وشبكت بالحزان قلبها الولهان

لن السهم مسموم أقبل من حديد
مثلث يشق الهوى وكلماله يزيد
وشق صدر فاطم من قبل صدر الشهيد
وفاضت الدمان او وهى لجان

تمايل على مهره وخضب شبيه ابدما
او ملئ الجفه ورمى بيه نحو السما
وتدنا باسنانه سنان وأمه
طغنه ابعوان خر على التربان

مهجة الزهرا وينادي
أفدي دين النبي الهادي
تحمل ايدها الهندي
خاف ورد نحو الأعادي
والخقد بالقلب بادي

خر على الغبره ايتلوى
أنا قربان الديانه
او حاطته جملة العدوان
وكلمن اتدنى يذبحه
لن شمر بالسيف جاله